

Net vaaralisiimat myrkkysienet Ruottissa!



- Älä kokoa sieniä jotka muistuttavat niitä jotka oon brosyryssä!
- Älä ota muita sieniä ko niitä jotka sie varhmaan tunnet!
- Älä pruuakaan maistaa! Myrkylinenki sieni saattaa maistua hyväle!
- Älä anna ko sieniä tunteva täysi korjata sienet!
- Laita uuenaiKHainen sienikirja!



Punanen kärpässiini

Amanita muscaria

Hattu 10-25 cm. Hattufäri saattaa vaihtella voimakkaan punasesta pleekimphään oransinpunasheen. Priput oon valkeat. Jalassa oon suuri rengas ja aliosa jalasta oon paisunu. Kasuaa lehtimettissä ja hakomettissä.



Pruuni kärpässiini

Amanita muscaria var. regalis

Se pruunista kellertävänpruuhniin hattu oon 10-20 cm ja sillä oon valkeankellertävät priput. Jalassa oon selvä rengas ja aliosa jalasta oon paisunu. Kasuaa hakomettissä.

Näilä kolmela laajila oon prippuset hatut. Mutta priput saattavat helpola löysätä ja kokohnaans elikkä puoleksi uupua.



Panterikärpässiini

Amanita pantherina

Hattu oon 5-12 cm ja se oon pruunissa nyansissa. Priput oon valkeat, rengas jalassa saattaa välistä uupua. Aliosa jalasta oon paisunu. Kasuaa tavallisesti lehtimettissä ja parkissa, mutta välistä kansa hakomettissä.

Myrkyin vaikutus ja symtoomit

Kaikki nämät sienet sisältävät myrkyä joka häirittee hermosysteemiä. Päänhuimaus, sekkaintuminen, levottomuus, matalampi tajuaminen ja kramppia saattaa tulla. Välistä kansa pahhaa vointia ja oksentamista.

Kunkas sie opit enämpi sienistä?

- Yritä päästä matkhaan sienikurshiin elikkä retkele. Niitä oon niin opintoliittoja ko föreninkiiä jotka järjestävät semmosia.
- Hyviä kotisivuja: www.svampkonsulent.se • www.svampguiden.com

112 Soita 112 jos myrkytysonnettomuus tapahtuu ja taho päästä Myrkyinformasuuhniin – vuorokauet ympäri. Soita 010-456 6700 jos ei ole aivan hätä • www.gic.se



Valkea kärpässieni

Amanita virosa

Koko sieni on valkea. Hattu 5–12 cm. Jalassa on rengas, joskus rengas saattaa uupua. Ko kärpässienet on oikein nuoret ne muistuttavat munia. Aliosa jalasta, joka useasti on syvässä sammalheessa, on paisunu. Valkea kärpässieni kasvaa sammalheisessä hakomettässä ja pyökkimettässä.

Myrkyn vaikutus ja oireet

Myrkky tärvää maksan. Myrkytysmerkit on vesiset lakseerukset, paha vointi ja oksentamiset jotka alkavat monta tiimaa sieniatierian jälkhiin. Riski on suuri ette saaja vakavan maksavian. Myrkytys saattaa aiheuttaa kuoleman.



Pettosa kärpässieni

Amanita phalloides

Hattu 5–12 cm. Hattufäri saattaa vaihtella vähän, kohta kokohnaans valkeasta vihertävähän elikkä harmaihaan ja vaaleanpruuhniin nyanshiin. Siivat on valkeat. Jalassa on ohukainen rengas, joka välistä uupuu. Aliosa jalasta on paisunu. Pettosa kärpässieni kasvaa lehtimettissä, sekamettissä (lehti- ja hakopuut kasuaavat yhdessä) ja vainioilla joissako on pyökkiä, tammea ja hasselia.

Myrkyn vaikutus ja oireet

Sisältää sammaa myrkkyä ko valkea kärpässieni. Antaa samat oireet ja on yhtä vaarallinen – katto ylhäälä!



Terävähuppunen myrkyseitikki

Cortinarius rubellus (C. speciosissimus)

Hattu 4–8 cm. Koko sieni on punasenpruunista kellertävänpruuhniin. Hattu on useasti terävähuppunen, mutta ei aina. Kasvaa sammalheisissä hakomettissä ja pyökkimettissä. Yks kohta samalainen laaji joka sisältää sammaa myrkkyä on oransinpruuni myrkyseitikki (*C. orellanus*). Se kasvaa lehtimettissä joissako on tammea, pyökkiä ja hasselia.

Myrkyn vaikutus ja oireet

Myrkky tärvää munhaisia jotka saattavat mennä kokohnaans pilhaan. Myrkytysmerkit ei tule vasta ko monen päivän päästä. Net saattavat olla lissäintynny jano, lihaksensärky, lissäintynheet elikkä vähentynheet kusimäärät. Se joka on myrkytetty saattaa tarttea dialyysihoitoa pitkhään ja piain munhaistransplantaasuunin.



Kivimyrkla

Gyromitra esculenta

Kivimyrkla kuuluu kokohnaans erhiin sieniryhmään. Hattu on 4–12 cm, pruuni, ymyräinen ja vekattu. Jalka saattaa vaihtella färiissä, vaalean harmajissa, pruunissa elikkä heijon violetissa nyansissa. Kivimyrkla kasvaa kevväilä huhtikuusta siiheen saakka ette koiju on lyöny ulos, useasti pitkin mettäteitä, juurakoitten vieressä elikkä hakoksissa.

Myrkyn vaikutus ja oireet

Myrkky häirittee hermosysteemiä ja saattaa kansa tärvätä verisoluja ja maksaa. Myrkytysmerkit on päänhuimaus, tuplanäkö ja sekanen puhe. Pahhaa vointia ja vattankipua saattaa kansa olla.



Giftinformationscentralen

SWEDISH POISONS INFORMATION CENTRE